

集部

欽定四庫全書 ***

詳校官庶吉士臣范逢思 土事臣呂雲棟覆勘

校對官中書臣王總校官知縣臣終 腾 除銀監止臣藍表聯到官中書臣王 獨权官知縣臣鄉 琪

東巴田町から Consequence of the second Carried saveragements 学院などのでいるない 出版の文化を記し 此事也疆域内外建國立家下之 水心集 Service 1 其為説亦確而切矣雖然天 之所以為國論者曰古今異 撰

其舊 制矣故古今異時之論雖不可廢然臣有獻於此願陛 情偽好惡上之生殺予奪古與今皆不異也而獨曰古 金岁口左台電 為國者無所斟酌無所變通一切出於尚簡而不可裁 今異時言古則不通於今是擴古於今絕今於古且使 可謂之自為其國尚為不因已行不襲舊例不聽 深思之盖陛下之欲自為其國者必將因其已行襲 加之以振救之 例聽其已然而不加振教之衙以日入於積壞 術則如之何而可必将以意行之

Rest in the 陛下深覽太息作而深惟以斷自聖志則不待食頃而 策畫不終朝食而古人為國之大縣森然見於目中矣 在方冊而已其觀之弗難也陛下幸進臣而教之指數 自為之故無泥古之失而有合道之功且古之為國具 觀古人之所以為國夫觀古人之所以為國非必遂做 之也故觀衆器者為良匠觀衆病者為良醫盡觀而後 其謀愈謬而政愈疎矣故臣所謂有獻於此請陛下先 以心運之忽出於一人之智慮而不合於天下之心則 水心集

量衡正名分别嫌疑尊賢舉能厚民美俗唐虞三代之 所謂法度也至於國各自行其政家各自專其業累世 害其為郡縣而後霸政舉故制禮作樂文書正朔律度 也法度立於其間所以維持上下之勢也唐虞三代必 天下者唐虞三代也以郡縣為天下者秦漢魏晉隋唐 不易終身而不變考察緩而必點防簡而信此所 不害其為封建而後王道行秦漢魏晉隋唐必能 以自為其國者可決意行之而無難矣夫以封建為 不

垂近四雄全禮

卷三

言古不通於今者謂王霸之未易分唐虞三代之未易 此所以不害其郡縣而行霸政也論者所謂古今異時 縣賞罰自明子奪自專刺史之問有條司隸之察不煩 是者而劫劫然惴惴然害之愈深守之愈固膠而不解 復而已若将得其法度以制四海之命不去其所以害 之所謂法度也至於以一郡行其一郡以一縣行其一 <u> 郊核虚實驗勤情令行禁止役省刑清秦漢魏晉隋唐</u> 不害其封建而行王道也秉威明權簿書期會課計功

九四日日二十

水心集

昔人之所以得天下也必有以得之其失天下也亦必 金切四項全書 而自為以復祖宗之舊雪百年之恥無不可者矣 世之法度其害之者重大而難去深遠而難知矣視古 即而觀之豈有欲其行之而乃從而害之者乎然則今 無害而求去今之害則陛下之國其大方數千里樂 雖各繫其德之厚薄化之淡深世祚之長短然陛下 而不通此豈有古今之異時哉盖古人之所以為國 法度總論二

失以為得則必丧其得唐虞三代皆有相因之法而不 以桀紂之壞亂廢湯馬之治功漢雖滅秦亦多因秦舊 盖必有真得天下之理不俟乎矯其失而後得之也矯 遂以為功且東漢之未四方分割壞亂甚矣魏武雖嚴 自為國家之意而不專以懲創前人之失計矯而反之 然大抵天下之政日趨於細而法日加密矣惟其猶有 有以失之得失不相待而行是故不矯失以為得何也 **大三日日上午** 科條審律令以重足屏息操制羣下而截就使人各得 水心集

角立遞與遞減及其堀然自見者猶皆自有為國之意 自盡以行其職守者猶在也至晉之敗尤甚於漢南 為與唐不以態情之亡為强夫與亡治亂各有常勢欲 立法定制疏明簡直上下易遵然則魏不以諱漢之失 其下無飾非養過之心人存政舉隨其所立亦或瞭 可見及隋之末年丧亂鑫起癰疽潰裂而太宗一旦 出於相矯也唐末之亂重以五代雖生人之無寧歲 、蘇與之塗將敗者趙敗之門此其所以不相待而 北

金江四月百十

盖國之将亡則其形證固已若此矣而本朝所以立國 定制維持人心期於永存而不可動者皆以懲創五季 術也以仁宗極威之世去五季遠矣而其人之懲創五 氣日情人才日弱舉為懦弛之行以相與奉繁密之法 久矣然考其所以福敗亦何以遠過於秦漢晉隋之七 九己口面 histor 輒有法禁而又文之以儒術輔之以正論人心日柔人 橋唐末之失策為言細者愈細密者愈密搖手舉足 揭而號於世日此王政也此仁澤也此長久不變之 水心集

得 季者不忘也至於宣和又加遠矣其法度紊失而亦 金员四周全意 之法制士大夫之議論毘防高鐍孰曰非矯唐末而懲 五季同為禍難之餘紹興更新以及於今日然觀朝廷 創五季也哉夫以二百餘年所立之國專務以矯失為 而卒以害是法上則明知其不可行而姑委之於下 而真所以得之之道獨棄置而未講故舉一 以懲創五季而已况靖康以後本朝大變乃與唐末 利於事也而卒以害是事立一法本以求 利於法 曰

往鑒今而陛下深思其故者豈非真所以得之之道 故君子不可用而用小人官不可任而任吏人情事理 為無療病之方甘心自處於不可振放以坐視其敗據 悟其繇請和仇讐而不激其憤皆言令世之病而自以 七實亦獨何以異於周秦之弊哉於是中原分剖而不 不可信而信法惟其惻怛寬平麤得古人之意而文具 數誠講之而行之當舉者舉當廢者廢昔之密者 知其不可行而姑復之於上虚文相挺浮論

and the same

水心集

資格為利而資格為用人之害鈴選以考任為利而考 法而卒以害是法者何也今朝廷之法度其經久常行 金万四月至重 任為銓選之害薦舉以關陰改官為利而關陞改官為 腁 於卒歲之久哉 為疎昔之細者今為大今日出令而明日丕變矣何俟 可改變者十數條而已而皆為法度之害故用人以 謂舉一事求利於事而卒以害是事立一法求利於 法 度總論三

化天下之人而為士盡以入官為一害解額一定多者 久己日本人 冒濫少者陸沉奔走射利畏其初心於今之法又自壞 失之為一害古者化天下之人而為士使之知義今者 為一害太中大夫待制以上陰補得京官為一害一人 薦舉之害至於任子則有數害自員郎致仕即得蔭補 之為一害一預鄉貢老不成名以官錫之既不擇賢又 入仕世爵無窮為一害今者法其謬濫限其員數又為 一害科舉亦有數害取人以藝既薄於古今併與藝而 水心集

金以四周分量 解而宏詞之法為害募役之法本以免天下之為役者 不信藝徒曰恩澤官曹充滿人才敗壞又為一害夫京 方聞之士而責之於記誦取之以課試所言不行所習 耳今也保正長之弊通天下皆患之而役法為害昔之 於應用之文耳其官要職遂為捷徑一居是選其可退 之法則聚食而已而學校之法為害制舉所以求卓越 師之學有考察之法而以利請天下州縣之學無考察 不用而制科之法為害博學宏詞昔以罷詞賦而進人 卷三

家本患州縣之過失不得上聞故置監司以禁切之今 胥徒所以行文書給趨走雖堯舜不能廢也而今也植 人乎抑惟其人而必用是法乎而監司之法為害府史 也禁切監司之法又甚於州縣之吏豈以監司為非其 出意見莫知推行但日檢坐申嚴而已而新書為害國 勃律總核萬事朝廷隨時制宜定為新書以一條貫有 欠入の Dist Lites 因以推告之所行行經界則經界為害行保甲則保甲 根固本不可搖動大官拱手惟吏之從而吏胥為害又 水心集

害舉事立法無非所以求利而事立法行則無非為害 上下內外亦學皆知其為害矣然而賢者則以為是必 為害行方田則方田為害行青苗市易則青苗市易為 於法度之利二百年於此日極一日歲極一歲天下之 人皆以為不知其所終陛下将何以救之哉故臣願陛 不可求之害庸愚者則恃其有是害也足以自容而其 揭其條目而治之去害而就利使天下曠然一日得 人則或求甚於所害天下皆行於法度之害而不蒙

金云四月至是

友色日声 人 德有小大而官爵從之一定而不易此堯舜以來之常 請言資格為用人之害以賢舉人以徳命官賢有小大 世可必致也 道也無有所謂自賤而思貴循小官之次而後至於卿 則資格用人未可遽廢至於不能得資格之利而受資 如近世之所謂資格者然先舜以來遠矣未可遽復 昭的之塗雖三代以上遠而未易言雨漢及唐之威 資格 · · 水心集

資考雖堯舜三代則亦有然者而不以是待天下之賢 多岁口母有世 格之害資格之害深則人皆棄賢而為愚治道日壞而 其弊守相列侯為九卿九卿為三公天下之賢才伏而 也豈可疑其資格未至而姑遲之哉至漢人則已患苦 不自知此不得不因今之法而少變之也夫計日月累 度使之然也唐太宗雖以戰伐取天下而用人能盡 俗吏用矣伊吕周召之傳非其不為秦漢以後出而法 才有德之人何者賢才有德之人以此官而稱此人可

當世惟王安石破資格以用人一時所謂名士力争而 2000 111 稍嚴一寇準欲出意取天下士而上下羣攻之故李流 生於世之不治賢否混并而無可别故以此限之耳而 司馬光吕公者在哲宗時數人以謹守資格為賢名重 王旦在真宗時王曾吕夷簡富弼韓琦在仁宗英宗時 定式惟上所拔間得題磊之士至咸平景德初資格站 本朝遂以治世而行衰世之法藝祖太宗所用猶未有 才不拘攣於常格以起一時之治尚有可喜盖資格者 水心集

而已矣故其人有自小官而其望已足為卿相至其久 資格得名而其時亦以稱治何也盖能别其流品以分 金切四月分書 也亦卒為之若此者可謂得資格之利也今也不然無 君子小人之逢以定清濁高下之序彼其號為徳度智 格為諱雖然資格非善法明矣而李流十數人者以守 而亂天下者此五人也蘇五人之所用則當以不守資 不勝其後章惇察京王楠秦檀相踵效之然而進小 足以居大位者亦已素許之矣特欲其履歷以實之

2.17.11 1.1. 察官而為卿監縣卿監而為侍從縣侍從而為執政大 所從知乎此臣所謂受資格之害也且本朝廢資格而 日此足以任此矣陛下雖欲責之以事詢之以謀彼安 治 深者序進格到者次遷而已矣若是而欲以舉賢才 臣或絲知州監司而為郎綠郎而為那監侍從執政資 繇改官知縣而為四轄六院縣四轄六院而為察官縣 有流品無有賢否蘇出身而關陞縣關陞而改官知縣 功其可得乎侍從不薦士字執不舉賢執資格而進 水心集

使朝廷之資格一出於人才之所當用則有資格之利 衰乏已甚稍加變通號召收拾以終成資格之利而不 金万四月全十 難母天閼推折之使至於盡盖今世猶有可用之人誠 受資格之害且天之生才也甚難人主之得才也亦甚 用人之利也故臣欲陛下審乎資格之實念今日人才 吕公著之為相然考其功效驗其人才本朝以資格為 以用人無若李流王旦王曾吕夷簡富獨韓琦司馬光 用人無若王安石章惇蔡京王黼秦槍之為相守資格

貴近之臣也處之以其地任之以其官與之以甄别 者銓選也吏部者朝廷喉舌之處也尚書侍郎者天子 故自一命以上皆欲用天下之所謂賢者而不以便 不肖者之人竊怪人主之立法常為不肖者之地而消 其賢才以俱入於不肖而已而其官最要其害最甚 謂鈴選之害甄别有序點以不失者朝廷之要務也 資格之害矣 銓選

决定日年 在至

水心集

金少巴五百十 陟天下士大夫之柄而乃立法以付之曰吾一毫不信 汝也汝一毫不自信也其人之賢否其事之罪功其地 厚人才不於此乎責實而将安所取之奈何舉天下之 出矣使加之意天下不於此乎望治風俗不於此乎求 選之法也嗚呼與人以官賦人以禄生民之命繇此而 之遠近其資之先後其禄之厚薄其闕之多少則曰是 不能一舉措手足不待刑法而自畏者顧無甚於銓 切有法矣天下法度之至詳曲折話難之至多士大

嗟夫追其人之本若是陋哉陛下有是名器為鼓舞羣 視之其人亦抗然自下曰吾有司也固當守此法而已 手四顧吏胥以問其所嘗知之法今吏胥上下其手以 道者非若今日之法度也及其一旦之為是官噤舌拱 大夫勤身苦力誦說孔孟傳道先王未嘗不知所謂治 動之具與奪進退以叙天下何忍襲數百年之弊端汨 乎雖然是幾百年於是矣其相承者非一人之故學士 火公其

大柄而自束縛敝蒙之塵至蠹折乃為天下大弊之源

中世以前吏部用人之意猶有可考今之所循者乃其 **動定匹庫全書** 昔人之已行毅然不感於衆因今之銓選一二人而付 衰亂之餘弊耳百王之常道不容於陛下而不復也夫 其不肖如此則治道安從出而治功安從見哉况自唐 之盖今之大臣與人以堂除者乃昔日銓選常行之事 恐喝其上而疑壞治道於将興之時者也陛下深考 於區區壞爛之法以消靡天下之人才而甘心以便 私曰偏曰怨曰謗曰動衆曰招權此末世之庸人所

炎至四年在馬 若為善法矣而今乃為大害且關燈令録職官改官京 後大臣知職位而銓選亦少功朝廷用人尚書侍郎者 也使今日銓選得稍稍自用若堂除之選盡歸銓部然 權堂除為掌相之大權則無怪銓選為奉行文書之地 不虚設矣 大臣不知其職任有大於此而止以堂除為宰相之 謂薦舉之害使天下之大吏得薦舉天下之即官宜 薦舉 水心集 古

乎其人之得關陞改官者又豈曰吾誠賢與能者乎上 與能者乎大吏歲舉人以改官者亦豈曰此誠賢與能 六考若七考有舉者五人則關性則改官朝廷之立是 賤而使人非舉不得入若三考若四考有舉者三人若 官若陞朝官又轉而至員郎此朝廷自設限隔以分貴 法也豈不曰吾不徒與以賢能而與賢能不自知以薦 金りい 知乎然則朝廷歲與人以關险改官者豈曰此誠賢 信其舉人者舉人者不信其求舉者求舉者不以自 五台灣

少小日里 化 莊色以居之彼其下者又為卑身屈體之状以進馬彼 宣復有其中之所存哉及其人之既得脱乎此也抗 此 競成風干調盈門較權勢之輕重不勝其求若此者 也早身屈體以求之僕隸贱人之所 此 下之人知之上之人亦知之矣方其人之未得出乎 於此朝廷亦曰吾之立法既已如此則不得不聽其 必曰是皆不可知而朝廷之法既已如此則不得 我 則是上下相與為市均付於不可知而已故奔 水心集 恥而不恥也此 支 顔

今合多而考累而任使其積日計月而無在官之過者 為天下之所貴而朝廷亦自貴之矣不自貴而使天下 至是矣而流弊之極皆固守而不思變且京朝官者已 之法而舉之與之以今之所與之官若是則庶幾乎士 亦不知貴之宜在朝廷無不可為而計今或未之能 之人才壞而生民受其病無足疑者嗟夫其始則或不 亦安受之而已相承若此則以此見舉以此舉人陛 金月四月至書 以循至於次第之京官母必舉馬其誠可舉者因今

治道稍明循次而進必無俟乎舉者而大吏或以舉其 灾臣四年在四 財之有所難也睥睨隱忍此而不為之遂為天下之大 司之事執政大臣之所當請而後行朝政夕定非若 人者不用於求者之多無幾乎知所自立而或能真舉 **屈體以求之則僕隸賤人之所恥者亦或知恥矣其樂** 之稍自重者知有常途之可緣而不汲汲馬為是甲身 才則朝廷信而用之放於常調此薦舉之正也然此有 其賢能以報上矣解舉官之急姑用是要以風俗稍善 水心集 去

金少口乃自言 患亦可悲也 國之重事也其與之宜當於義而稱於恩使朝廷録 紀舊之意有所表見今自舉主而改官率十餘年而至 謂自員郎致仕即得蔭補為一害人臣以子任官亦 任子 功

員 世為之邪且又其仕而顯者職任功效或見稱於天 郎縣常調入仕不過佐郡而止其功業未有以異且 而官其子豈以為是庸庸無所短長之士而必使

於常調而至此者此所謂其義不當而恩不稱也 者朝廷之所貴重使天下士大夫更六七考用舉主五 而不幸其官止於員郎則所以得任其子弟者亦無異 大下日日十七十二 八待制者即以京官任子弟何重於彼而不惜於此耶 人特與改官上下相目以為異事今至使其為太中 謂自太中大夫待制以上陰補得京官為一害京官 始得改官疾病憂患公私怒犯有終身不得者或 人而後得之今闕遠而侍之者多入仕久者至三十 水心集 主

豈為侍從大臣之子則無俟乎舉主考第而已能度越 金贝巴屋有量 於官使必有所宜不可以一夫官簿之所至尚應法令 則其思濫而不能變所謂輕重彼此不相應也 廷不尚賢而尚貴朱紫混然夷跖雜處崇觀以來七 而直與之以為恩則濫以為法則弊以為義則悖且朝 天下之賢士大夫者歟重之則其法窮而不能變輕之 臣之有功使其子孫嗣之所以聽祖宗垂後裔也至 謂一人入仕世官無窮為一害古者裂地分等以報

欠已日更在時 其 知 以盡與之者不知其謬濫而好為是無窮之思也今也 何謂今者法其謬濫限以員數為一害且朝廷向之 世 而今也子孫住官不知藝極騙侈無思自稱世家将使 -年人臣不以道而得贵仕者在其元身則自宜 而太之而徒限以員數則亦不可夫為上者使其下 知義而已義所可與雖盡與之吾何所得各不然與 之賢者何以勸馬 而棄其 日此在吾限員之外耳此不得獨賢彼 水心集 削 肵

出於是若舉公卿大夫之子弟而養之於學校擇天 冰 無 也 與從官執政之子弟以今之所與員郎那監者與之 金发口屋台里 有德聞於上者與之可也京官為朝廷之所貴奈何以 重之官其常調而至此者可復勿與其果有勤勞或賢 不得獨愚義理愈敝而人紀隳矣故員郎非朝廷所甚 計其入官之世次考其所任之多寡以稽其人有 以員數限之乎雖然因今之法而有所變改不得 功賢與不賢為之正法可也如是則可與者與之 卷三 何 功 可 不

文·王曰臣 1. 1.15 ▼ 所 而 程武之文往往稱於世俗而其人亦或有立於世今之 何謂今併與藝而失之為一害盖告之所謂俊义者其 則於此官使之而告之法煩前衝後皆可一決而去而 之明師良友以成就之使其材品卓然可以為家國用 先王之意見矣 鄉曲之殿人父兄之庸子弟俯首誦習謂之黃冊午 以取者非所以取之其在高選輒為天下之所鄙 科舉 水心集 九

之所輕者乃反得之然則上之求士而用之公卿大臣 者耳此固不足以卜其內今其可稱者又莫之獲而人 夫世之所重者宣必知重其人哉亦或其藝文之可稱 者家以此教國以此選命服之所負者乃人之所輕且 金片四月白書 於為士而無羨於入官此至治之世而兎罝之詩所以 之所重者乎 調化天下之人為士盡以入官為一害使天下有羨 此逢出宣有始於為人之所輕而終也乃足為國家

而富窮人情之所散慕者而不足以動其自守之勇今 與起天下之人才哉 也舉天下之人總角而學之力足以勉强於三日課試 作也盖羡於為士則知義知義則不待爵而賞不待禄 次足四重在島 何謂解額一定為一害百人解一承平之世酌中之法 服安者果何在乎朝廷得斯人者而用之将何所賴以 之文則囂囂乎青紫之望盈其前父兄以此督責朋友 此勸勵然則盡有此心而廉隅之所砥礪義命之所 水心集 主

異類發者乃因於額少而不以與選奔走四方或求門 客或冒親戚或越雜納夫士之為學其精至於性命 際而其用在於進退出處之間然後朝廷資其材力以 間或至以僅能識字成文者充數而関浙之士其茂 其時倒浙之士少有應書而為解之額被矣今江 其義理之當然者耳則解額之狹於彼者何不通 天下之重今也以利誘之於前而以法限之於後 無所不為然則以其有是士之 加里 卷三 可取也而 取 淮 假

而已一 本源立國之命繫馬四患不除而朝廷於人才之本 次已日日七十二 命之官盖昔藝祖之初憫天下士有更五代因於場屋 而猶不得自選者因以為之賜今也士人充塞偶然一 五而後定其終身而本朝之法不然其鄉貢也一 與寬者均乎 何足為言則安用此而遂為常法乎夫士者人才之 預鄉貢以官錫之為一害古之取士也取之四 取而不復棄其人三十年之後憐其無成而亦 水心集 Ī 一取之 源

太學則該善矣唐初猶得為美觀本朝其始議建學名 忽也 金灰正屋有書 而不克就至王安石乃卒就之然未幾而大獄起矣崇 其言學法威矣皆人耳目之所熟知而不復論若東漢 **脱贼劉喪不復長育則宜其不足於用也去四患得四** 利所謂養之於始自拱把而至於桐梓古人之言不可 謂京師之學有考察之法而以利請天下二代漢儒 學校

缺定四車全 宜莫如天子之學而今也何以使之至此盖其本為 尤弊遂為姑息之地夫秉義明道以此律已以此化 拜表希望思澤一有不及誇議喧然故至於今日太學 綱 之人大抵學校之名士也及諸生伏嗣趙鼓以請起李 而以小利昭之陰以拒塞言者士人靡然成風獻頌 如太學之士及秦續為相務使諸生為無廉恥以 天下或以為有忠義之氣而朝廷以為倡亂動我者 間以俊秀聞於學者旋為大官宣和清康所用誤 水心集 主

察而徒以限食而士之負俊氣者不願於學矣州縣有 皆天下之小人也故不久而遂廢今州縣有學宫室廪 **鎮無所不備置官立師其過於漢唐甚速惟其無所考** 此而罷科舉矣此其法度未必不善然所以行是法者 和問盖當考察州縣之學如天子之學使士之進皆縣 其外又以勢利招來是宜其至此而無怪也 法使月書季考校正分數之毫釐以為終身之利害而 何謂州縣之學無考察之法則聚食而已往者崇觀政 ヨリロ 苍三 次定四事之事 或進於太學或遂官之人知縣學而科學之恆稍可洗 學先王之遗意幸而復見將以造士使之俊秀而其俊 去學有本統而古之文憲庶不墜失若此類者更法定 使考察上於監司聞於禮部達於天子其卓然成德者 久於其職而相與為師友講習之道使源流有所自出 乎今宜稍重太學變其故習無以利誘擇當世之大儒 秀者乃反不願於學豈非法度之有所偏而講之不至 其卓然成德者朝廷官使之為無難矣而州縣之學宜 水心集

圭

制 白り口 也 用 而使之至於舉無所 皆於朝廷非有所難顧自以為不可耳雖然治道不 至 自明道景裕以來能言之士有是論矣雖然原其本 科舉之常法不足以得天下之才其偶然得之者幸 其紀綱度數不一一揭而正之則宜有不可為者陛 揭 於末亦未見有偶然得之者要以為壞天下之 Ŀ 制 而正之則如此類者雖欲不為亦不可得 1: 1 科 用此科舉之弊法也至於制 也

數制度者胡為而責之而又於一篇之策天文地理人 之士所以恢聖業而共治功彼區區題目記誦明數暗 法馬而制舉之法反密於科舉今夫求天下豪傑特起 者亦庶幾乎得之矣雖然科舉所以不得才者謂其以 之奇才矣當制舉之威時置學立師以法相授浮言虚 有常之法而律不常之人則制科庶乎得之者必其無 事之紀問之略編以為其說足以酬吾之問則亦可謂 とこのう たい 廷待之尤重選之尤難使科學不足以得才則制 水心集 盂

我好四 制策又以失之然則朝廷之求為一事也必先立為 應故事則制舉之策不足以為能故哲宗以為今進士 下之泛然能記誦者耳此固所謂豪傑特起者輕 法若今制科之法是本無意於得才而徒立法以困天 披抉不窮號為制科習氣故科舉既不足以得之而 屑就也又有甚此者盖昔以三題試進士而為制樂 武進士其說蔓延而五尺之童子無不習言利害以 以答策為至難彼其能之則猶有以取之自熙寧以 視西

Ken) Dunt Line 謂五十篇之文泛指古今數陳利害其言煩雜見者厭 與之以至美之名使其得與此者為急官爵計再且天 使肆言而無所用是誠失之矣今又使制舉者自其所 之策有過此者而制科縣此廢矣是以八九十年 下識治知言之人不應如是之多則三歲以策試進士 在不遠於科舉之俊士然且三年一下詔而追復不 科舉之歲皆得舉之将何所為乎設之以至密之法 不得試者其武而不見取者其幸而取者其才凡 盂

水心集

無記 為議笑之具今宜暫息天下之多言進士無親策制舉 之實而冒不加之名則朝廷所以汲汲然而求之者乃 法或生於相激宏詞之廢久矣紹聖初既盡罷詞賦而 視聞者厭聽且士人很多無甚於今世挾無以大相 三代之英才未可驟得亦不至如近世之冗長無取非 無益而反有害也 誦無論者稍稍忘其故步一日慨然天子自舉之 宏 詞 過

盖當時之人所貴者武功所重者經術而文詞者雖 易 惠天下應用之文縣此遂絕始立博學宏詞科其後 諸書是也孔氏録為經常之辭以教後世而百王不能 為詞學兼茂其為法尤不切事實何者朝廷詔告典冊 之文當使典直宏大數暢義理以風晓天下典謨訓話 2.00 能無幾也然其深厚温雅 可謂重矣至兩漢制語詞意短陋不復髣髴其萬 一誰然自相於尚而朝廷忽略之大要去刀筆更 1. 1. 水心集 綇 稱雄於後世而自漢 美 其

奇文絕技以此取天下士而用之於朝廷何哉自詞科 夫以對偶親切用事精的相誇至有以一聯之工而遂 來莫有能及者若乃四六對偶銘繳養頌循沿漢末以 及宋齊此真兩漢刀筆吏能之而不作者而今世謂之 終身之官爵者此風熾而不可過七八十年矣前後 興其最貴者四六之文然其文最為恆而無用士大 未當知義也其學未當知方也其才未嘗中器 相顯人祖父子孫 卷三 相望於要地者率詞科之人也

赋 然矣紹聖崇寧號為追述熙寧既禁其求仕者不為詞 惠天下之習為詞賦之浮華而不適於實用凡王安石 流於古人也是何所取而以卿 **廸之而終以文詞嚴陷之也士何所折衷故既已為宏** 之與神宗往返極論至於盡擯斥一時之文人其意晚 能草哉且入有甚悖戾者自熙寧之以經行造士也固 而反以美官誘其已仕者使為宏詞是始以經義開 紙援筆以為比偶之詞又未嘗取成於心而本其 相顯人待之相永而不

大正司員 とこう

水心集

Ī

放且昔以罷宏詞而置詞科今詞賦經義並行久矣而 爵厚禄以與之而已也反使人才陷入於不肖而不可 所能者盡於區區之曲藝則其患又不特舉朝廷之高 金万正左一章 自為背馳也蓋進士制科其法猶有可議而損益之者 至宏詞則直罷之而已矣 "科这未有所更易是何創法於始而不能考其終何 則其人已自絕於道德性命之本統而以為天下之 役法

病與勞哉故差役之患雖去而募役之患方興故役錢 者募役之患而今之保副正長者又募役所不能行之 民獲其利官當其勞而民居其逸雖然官宣能自為其 部勒其下而其法曰募有材勇及一都之內物力最高 患也役錢則不可復論保副正長者乃役法之一事耳 自熙寧為募役法盡官府之役官自募之官受其病而! **設定四年全書** 水水集 自出一説也盖昔者保伍其民而有保正副将以兵法 而今為大患窮天下之能言者日夜相與謀之而不能

者户長則以催科者長則以追胥而皆有雇直熙豐之 嘗盡支而為者戶長者亦不願請故取其窠名以起發 法其分畫詳明如此然猶紛紛而不能定其後艱難用 上供而者户長之役盡以歸於保正副然則今之保 度日缺講利源者無所取財以為耆户長雇錢者官未 不憚出死力以争之今天下之訴訟其大而難決者無 先後流水鼠尾白脚歇替之差鄉胥高下其手而民 ·募法未嘗不存而未當不强差之也其計較物力推 IE.

缺定四車全書 隸之於保正副則差役之害大半己去矣使一都之内 差保正副長国民而區區然姑欲治官户跪産何哉今 甚於差役蓋朝廷之上其於庶事條目纖悉委曲動 法禁而所謂保正副者乃獨無法何為其無法也名募 復以耆户長雇錢還州縣使二税呼集之役有所分而 齊役矣而能產半天下其弊安可絕且不咎州縣之以 過仇疾於官户誅抉於詭産其說有自宰執而與編户 而實差是以若此其不齊也而近世淺夫庸人之論不 水心集

争為之而不可而不使强委已而不願也夫如是天下 薄而辨官之事何其至也且京師有諸道諸道有諸州 豈復以差役為患哉又如是則雖官户無問新故亦皆 保正若副而除其一户二税之半要使保正副者人欲 誠有材力可以服衆智勇可以率人者專用舊法使為 可為之而何以此督責官户哉且今世為民之意何其 里黨而後達於縣令則擇其人而為保正副者正所 州有諸縣自縣而後親及於民也其勢宜使什伍比 卷三 たこうえ こう 自嘉祐熙寧元豐元祐紹聖大觀政和紹興皆自為書 所難而不思去者何也 而不知悔則鞭笞隨其後是獨何益哉是其行之非有 以親切於民服習其小争而無使至於大關教民使 顧未嘗為之施甚陋之意以與民較至下之策民愈多 犯省刑罰之先務也若此者其官事何所不可辨而今 謂新書之害本朝以律為經而動令格式隨時修立 水心集 丰

書 金贝四母全書 坐申嚴而已明知法不足恃而欲强委之二害也人才 凡天下之事無不備於此書而人之智慮不能出於此 向之所以告鄭子産者乎然而有三害最近不可不知 廷上下之所恃以相維持相制使者奉行此書而已且 近者乾道淳熙已再成書矣以後衝前以新改舊凡朝 不 行則宜有說馬今止謂之各已有見行係法止於檢 之外者一 下以法為治久矣臣豈敢遽議新書之為害如晉叔 一害也書既備矣而事復弊法既具矣而令

度歲月害之小者耳夫以法為治今世之大議論豈可 因此浸以頹惰掎撫利害汎然推廣及其終也不過 之勘當諸司州郡之照條施行又其相習公為欺疑以 以人為弊不可言也三害也至於朝省之前後批六部 次已四年全事 人 此所以難於任人而易於任法也雖然人則未易任也 私人有存亡而法常在故今世以人亂法不亂為常語 不熟講而詳知也盖人不平而法至平人有私而法無 曰臣愚欲望申嚴已行之法而已以法為弊猶可言也 水心集

金万四万人 備 梭 唐 法 則安能至於不任人而任法 者 其法之罪而無其人之罪也審矣今不改其 而不 真三代之威王至誠 備其文不備其實備其 而果已備天下之事則将 可任此易見之論也而今則亦未之能 巴皆具而天下 小任其智 不足以 何為尚有 知法 一意以 似 與力不足以 则必 不備其真也夫使見 何取於人盖是書之 相 犯法而生弊者 與而 任其足以行 後 〈其人 行法 何也夫使 者 吾 而 非

之類 免到日日 人 不能自知法爛道窮暫相康繫而無經久固結之道 已也不任人以行法而止於檢坐申嚴批狀勘當照係 撿 求以應故事而塞章奏則亦誰然願助陛下之申 法令之所以日壤而人才之所以日 雖誠未易論而任人以行法所以助法之不能自行 坐申嚴以諄複其法然則法終不行矣故任人而 非必若今之所謂檢坐申嚴批狀勘當照條之類而 以順天下之耳目使其人聰明貴眊智慮不知 水心集 消 E 圭 用飲食而 腁 國

能 威之所以不振强敵之所以憑陵也臣故欲陛下縱未 賞罰號令一於觀聽簡易而信果敢而仁若漢以來者 行法使法不為虚文而人亦因以見其實用功罪當於 可矣 金好四月百十 崇寧極於宣和士大夫之職業雖皮膚蹇沒者亦不 謂吏胥之害從古患之非直一日也而今為甚者盖 任人而廢法以行唐虞三代遠大之政姑欲任人以 吏骨

比渡江之後文字散逸舊法往例盡用省記輕重子奪 胥之聽而吏人根固窟穴權勢熏灸濫恩横賜自占優 復修治而專從事於奔走進取其簿書期會一 卿大臣之位其人不足以居之俛首刮席條今憲法多 惟意所出其最驕横者三省密院吏部七司户刑若 **へ.う...**. 又以為官無封建而吏有封建者皆指實而言也且公 不諳而寄命於吏此固然也然雖使得其人而居之 路從而做視又其常情耳故今世號為公人世 水心集 Ē 惟

彭定四庫全書 付之彼吏得知之而官不得知馬此其為害又過於秦 官下不病民以自治其事而聽命馬而秦漢之弊法屈 害無問乎官之得其人與不得其人而要以為當革而 為不晓而與是吏人共事終亦不可然則今世吏骨之 其餘弊未盡去且又皆以天下經常之事立為成書以 天下之豪傑縣刀筆選而至三公今幸已甄别品流而 如昔之所謂伊尹傳説之傳而已夫區區條今憲法仍 已矣府史胥徒自有國以來所同有也然必使上不侵

之若此則有三利士人顧惜終身畏法尚義受財鬻獄 位見侮於骨令胡不使新進士及任子之應仕者更迭 大王の事心ち 此直以鞭撻戮刑待之而高爵厚禄若是何哉今官兄 為之三考而滿常調則出官州縣才能超異者或遂録 敢望漢之公府掾諸卿主事辟召皆天下名士其權柄 而無所置之士大夫不習國家臺省故事一旦冒居其 何者今百司之吏其爵其禄往往有士大夫之所 動搖守相者今之所謂都録行首主事之類是也 水心集 茜

少異於今日盖結託干請有所不行與決我事整齊簿 書不為疑玩則下知畏故也 難者京師紀綱之首吏曹清則諸司州縣之吏處亦必 增員百餘稍去冗官之患待闕擇地争奪伺候之風亦 漸衰息三利也得三利去三害此亦非有勞民動农之 而無至於今世之偷惰一利也更迷為之無根固窟穴 必大減少吏曹清則庶務舉且因以習士夫使之有才 之患無保引私名之弊而封建之勢因以去矣二利

之官難盡擇也故止於擇監司亦足以寄之自漢以後 **東記四年在時** 監 司寡 其若是則奉行法度者州郡 司也故監司者操 用是人也必先知 監司者亦若是而已未服及于岳牧相維之義也 監司之害朝廷之設官也必知其所以設官之意 謂州郡之事難盡察也故置監司以察之謂 其所以用是人之說州 制州郡者也使之操制州 水心集 也治其不奉行法度者 郡粮而監 蓋 郡 則必 州

監司

無又從而操制之此則今世所以置監司之 金云口人 矣今也上之操 責其大而姑禁其細 则 恐 朝 所從之吏卒所批之券食所受之禮 其擅權而自用或非時不得处歷或处歷不得過 而必微丈以立法一失也故監司她情人反以為 廷防監司之不服而監司何足以防州 知體監司之舉職人反以為侵權上亦 制監司又甚於監司之操置州 何哉是謂不 知設官之意用 一饋皆有! 體統當如 郡哉且 郡 明禁

美家雜其通欠為一司歲計之常提舉司則督責茶鹽 **免濫詞訴繁滯則或其之省馬是監司之不法不義反** 用法背條至常平義倉水利民田則置而不顧提刑司 以為生事此真大謬戾者也夫監司者以法治下以義 とこうここ ここう 則以催趣經總制錢印給僧道免丁縣子為職而刑獄 為豈監司之本然哉是謂不以法治不以義舉之權付 甚於州縣故今之為州縣者相與聚而強矣監司之所 「事者也今轉運司則以刻刷州縣之財賦候何其餘 水心集 丟

金定四庫全書 则 運司徒報上供之數於户部而轉輸運致之實則無之 之而使監司之所操者在州郡之下矣二失也且不以 上供而提刑者徒文移知通収索季帳稿考綱解以報 其煎煮為之索通理債而已經總制錢州郡各已越辦 其剩利於推務都場而提舉司受其指留掌其住賣督 ,部而已是三司者以此為職徒養資考多人徒憑意 不以義則所為付之事功者固宜得其實馬今也轉 其所以總一路之財計者将何所用也茶鹽則已受

盖甚重矣豈以為例差循致之用哉 見己日前 たよう 之甚急者昔人謂止擇十道使猶患不得人則監司者 以清户部之務罷提舉之事以一轉運之權入皆今日 無法無義而事功又不得實三失也至於還轉運之權 氣作聲勢以便其私可也國紀民命何賴於此是謂既 水心集 圭

水心集卷三	344 24 25 7 7 7 7 7 7 7 7 7 7 7 7 7 7 7 7 7 7				金万四月全書
					卷三
				,	

少三日日 とよう 惟熊薊前入契丹力未能復而趙保吉兄弟亂西方靈 太祖太宗受天命身自剪平者七國盡有漢唐之天下 有天下之大必盡天下之慮不盡天下之慮鮮無患矣 欽定四庫全書 水心集卷四 奏議 始論 水心集 禁適 撰

矣然而愚侮不除芽蘗終在小人因其間隙倡復燕之 事者不復深究始末直以中國既大也道德既富也患 而天下無兵安寧久於前世自以為天下之處盡於此 夏繼陷其後耶律浸驕繼遷始自立邊益警備矣當國 不能保境土息人民而已豈不足於二極之區區哉非 者為正論異此者為浮薄方其威時南北相為兄弟 以申百年之誓信屈意而奉幣帛專力而守和好同 不務討伐二敵以定西北之疆域而乃反行聘使封

金好四月白書

也誤委三鎮而兩河諸城猶以死固拒太原之帥 謀前釁始鋤後患隨出民心未變而國家之守離矣始 200 又尼堪死偽齊廢金用事厭兵舉數千里之地以還我 将亂臣據而與我争衡者也劉豫乃自女真援立之爾 大臣怯懦不能當日夜以謀退卻於是二年始盡失河 不戰而得數千里地天誘之也然一旦烏珠背盟苦 北紹與元年又失京東西三年又失五路此非有叛 而後就擒建炎嗣統獨已失者河東耳其他固在也 水心集 櫍

狀踵失策繼舊盟卒亦追勉割四要郡界之徒使中原 鳳熙河州縣相次而復中國之威庶幾振矣然宰輔無 至顔亮居順北方潰亂歸義之民處處屯聚京東西秦 遗熬飲泣內恨絕望於我夫我不能守則民雖不為變 百七十載之天下不因民之怨叛而直失其大半隘處 終以分裂我不能守則地雖已得而終以失之其故 有他哉始慮事之不盡而其患至此也慮事不盡使

舒定四庫全書

則所謂分畫者纔江以北淮以南而我亦莫敢較馬

追而悔者也方來之處不盡則天下之患又将有甚於 為南北之成形以與宋齊梁陳並稱而已者乎成敗瞬 此者豈可坐而講堯舜三代之舊洋洋馬熙熙馬而 息也得失反覆也何常之有慮不盡則昔之天下雖大 取之矣故以一取百帝王之慮也以一取十霸强之慮 思內外之分不辨逆順之理不立雠恥之義一切聽其 江淅以為南北之成形六十年矣嗟夫是已往之事不可 205.4 1.1. 而不能守慮之盡則今之天下豈惟能守之而反可以 水心集

Ė 多好四库全書 於必至之慮也夫以 理立讎那之義又取吾之所失而非冒彼之所得也愈 見故不可以泛辭舉不可以偏說定不可以遠事言也 不盡天下之慮而終失天下之大計此最大事不可不 者慮之盡也以一取一其易明矣然不取之者慮之 盡也今将盡天下而處之而後以一取一者可得而 取一 始論二 必至之慮也加以思內外之分辨逆順之 取百以一 取十其難明矣然取

越然亦空言也盖一代之好尚既如此矣豈能盡天下 要言也雖有精微深博之論務使天下之義理不可喻 唐虞下陋秦漢傳合牽連皆取則於華辭耳非當世之 少行欲多言之若麤行之必酬故人莫敢多言而精於 極論也古之所謂忠臣賢士者竭力以行其所知言欲 其大害以人叅之使其害消昔之帝王莫不然國家因 之慮乎有大利必有大害為國者不敢專大利而分受 力行今世議論勝而用力寡大則制策小則科舉高出 大記日言 1115 水心集

害遂廢人而用法廢官而用吏禁防纖悉特與古異而 地天下之士始稍奮發深思遠慮以為之說然而內墮 唐五代之極弊收斂潘鎮權歸於上一兵之籍一 好尚之多言外阻法度之自利未能得其中也不幸熙 其不能盡天下之慮也自趙元具反重之遼人求關南 以天下之大而畏人是一代之法度又有以使之矣宜 柄最為不分雖然豈有是哉故人才衰乏外削中弱 ,地之守皆人主自為之也欲專大利而無受其大

金与四周白言

寧改法之事起自是以远於宣和之末清康之初士大 自北之論視宗廟君父之讎如疥痒之在身忍而不掻 夫爭法之新舊辨黨之邪正鼓為烈焰張為洪流而已 無害也明示禍福以切肠衣冠舉院首而奉讎故二十 能盡天下之慮也請康之難至痛極懷此上下深謀不 過此何暇言之是又熙豐之後因於世故之紛更而不 **欠正日后在** 餘年未有出思慮於飲食刀筆之外者况其遠者乎是 知寒暑寝食之時也而苟目前忘大辱者為南自南北 水心集

金万世居台電 矣猶以為良法國無駿功常道先丧士無奇節常心先 壞俗衰時迫誰與謀長是又隆興以來不能盡天下之 所為而消縮負妄作之累者以有所托而回容利惟謀 於考察謹於遷敘破流品以求人才右武官以率勇敢 陛下總權 新害不改舊取民者已因矣循以為仁政超事者已弊 又給興以來為小人之所挾制而不能盡天下之處也 靡然知上意而從之矣然而懷欲為之心者以無 綱執極要責功能課勤怠崇實用退虚名審

務成敗得失皎然而不亂所以佐聰明之一二者也 之舉措求日新之功效明發慷慨同於饑渴庶能盡天 所難而不感當為則為母以為昔未嘗有當改則改 慮也自非深觀遠覽遍知前失而不諱堅志强力獨行 致靖康之禍在於取與追論靖康之失亦必曰取與 以為今方循用除百年之宿蠹開興王之大道計歲月 下而慮之乎故臣願條列前後之源流疏陳當今之 取進 少

改全四五 EL

水心集

然究利害之極以定今日之大計不過取與而已何 ヨグロ 景德約和而中國之人遂以燕為外物不置議論之內 定趙普田錫王禹偁之流固嘗以志復幽薊為非矣至 致清康之禍在於取熊自石晉割而不合太宗征而 里界之而王安石韓絳不之較也况於王黼蔡攸之佞 及慶應中劉六符反索周世宗關南諸縣富弼為之設 增賂而後僅止其後滿禧辨理河東疆域又舉數百 乃欲必取異代已割之熊卒於失信契丹取侮女直 7,13,7 119 次色马车在馬 漢唐之遺民何為不可夫堅守重誓於既亡之契丹 財竭民怨內潰外擾遂以失國若此而謂致靖康之禍 政令循强社稷猶固我獨抗宿憤勞累戰雖得燕薊而 舜禹之政也紀律粗嚴将帥粗厲乗時以取全與收拾 在於取燕可也今天祚地丧於外位奪於内寫身夾山 粗耳未能知其實也何謂實曰不能取無而已使契丹 死亡朝夕其國滅矣因時拯亂湯武之業也疆理天下 貼大變此所謂致請康之禍者然士大夫特泛言其 水心集

師 百萬計所買者山前六郡之空城乃以王安中 グロ 若無人馬其所為用衆者如此逐禱女真納路 降冠共事竭中國事力以饋常勝軍山後之地往 人敗蕭后古爾班以折北不支女真之潰兵輕突 以韓琦富弼之謀何以處之乎种師道既敗 不决而郭樂師挾女真以南矣繇是言之 12 12 取與而非 旦襲其迹以陵我當是之時王黼察攸 取燕致禍 卷四 也夫不能取與而命之 上 福 與郭 腁 劉 返

欠色日巨小山 補之可懲者懲之當其時而悔未有猶悔於數十 口禍 取與以是致禍是昔日之敗事既然矣未嘗得無而猶 取燕之罪者不可以歸罪而遂已也而耿南仲唐恪范 大夫歸禍於取熊無足怪也雖然取熊誠有罪矣我 後者也幹里雅布尼堪之交至也兩河陷沒京師領 謂追論靖康之失者亦必曰取燕計之失也可補者 在取與是今日之認論未解實害最大可不畏乎 取燕二 水心集 百年

當 燕之事 震已遠矣然士大夫 循追論取燕而不置微宗 老将兵非不可用而已若此者可以叔取燕之失乎及 翰則請委事於种師中謂切案之失在於用猛将而忽 宗尹則始終割地而已楊時則為悠緩之辭欲徐論 金少正理有意 凶問至光堯下哀恫之韶猶以海上之盟學釋本意以 建炎南駕維楊遂來江淛則天下之惠益急而昔者取 而已胡舜陟則欲積誠意以待上天之悔禍而已 天下是論者惟知谷取燕之失而思所以救之者請 į 許 其

泡雕 次足口事全馬 滅林連周武帝幾死於晉陽亦滅高延宗唐莊之取梁 良以為敗事則發八難以止之魏太武幾獲於統萬遂 燕之失遂數十百年而不可救也乎昔魏再攻齊毒 咎 也 其兵曰無輕用也問其所當施於國之大計曰姑 而已嗚呼至於今日而靖康之禍六十年矣而所 取與之失者猶在於論者之口問其謀曰無虚畫 問其祖宗之雠恥曰天命也凡若此者豈以 以為失計則取韓魏以致之壓食其請立六國 水心集 自 中 取 細

然矣豈猶致恨於取與哉 望是鳥知天下之常勢哉使契丹坐全燕以制中國石 以奉契丹彼匹夫盗贼之下者耳以放死之策真非所 **氏竟不及守而開敵騎長驅渡河之事及周世宗未能** 亦僅免之筭耳乍合屢敗忽來忽往勝負無常自古而 世與剃先為叛臣據有其地以至於亡及石氏分畫 謂究利害之所極以定國家之論亦必曰取與唐之 取燕三

所致而國家之弱勢固使之久矣夫與前中國之郛郭 夷簡因建魏為北京示将親征以代敵情者卒至於增 曹利用始創和約出金帛以啗之而後少安慶歷中謀 克定而本朝獨當失燕之禍端拱以後至於咸平京師 欲敗盟范仲淹謂敵必張犯闕之勢請巫城汁都而吕 とこうこ 幣串辭而後已盖渡河犯闕開運之已試景德之僅免 而其覆轍常存縣是言之清康之禍不特奉儉陷亂之 1.1. 水心集 1

盘定四母全書 盡復祖宗已失之地而燕薊不復猶處國家之弱勢未 之法可以行於其間哉今雖使張王師返都邑敖陵廟 也河北河東中國之閣関也弃其郛郭而設奸禦於閣 削石氏之覆轍威必不振國必不立何也有天下者以 匈奴葬城以隔之秦漢之天下豈唐虞三代以前 錯居 非愚則諛非實知治亂之體者也且秦一六國而攘 取以天下守故盡天下之勢非可以畏縮首安立 世之謀慮皆自以為可久安而無他此賈誼所

親在二日待時何謂親在天下方有事君臣不得安軍 習熟見聞者所能言也 數千里地以共滅之惜彼而弃此何哉故國家之論非 起而得鴻溝以南孰曰不可而張良乃名點彭韓信分 私說而妨正論也不然則項氏劉氏中分天下自沛公 飲定四車全書 以身關於兵革夷傷危苦而後定盖常事耳太祖太宗 将求今世之實謀公先息今世之虚論虚論有二一 親 征 水心集 曰

蜀寇 丹自岐溝以來無歲不得志大名澶淵之役大将雅 **未嘗不自總戎真宗之初固已幸大名矣澶淵之** 頗有 城而不敢出契丹鼓兵行入無人之境達蘭第偶 其約 契丹請和自此而上下始以親征為秘策矣且契 華決策扈從渡河六師雖動用命王達蘭 斃於游 異論傳者以為王欽若請之江南陳堯叟請 行陣然後可以為功哉使寇準以此自 和金幣之力耳豈可謂将士俱不用兵必待 街 可 Z

者真以為前日之所以屢敗者為不親征耳 故事親征者亦有謂今日强弱不可復用親征者建炎 久己日后 ~~ 入當 其所以不和之説也意在親征而已亮氏之來而光堯 敢退舍故秦檜二十年之和而或之罪秦檜者非能知 無識之甚者而虚論既成當清康中亦有謂當如真宗 即位亦當下勞師親征之記其後以約和而止夫今 深入雨淅紹與初趙鼎回建康而劉豫遁去於是論 出建康雖名為勞師其實亦用親征也故陛下 水心集 ュ 親征而

金写四月全書 能變則利害之定形未可決也 天子所 好矣兵强可也財富可也将能而禽敵可也若此者 日之 而為正論者問其説則曰親征而已矣嗚呼謀國如是)親征可以致之哉百不一講而委人主以臨危事 明紀綱正法度修君臣上下 認論者日久和好也以尚安而已其不以尚 在兵無不勝書生之虚論未見危於此久而 心同为以致之者 分 Ė

大王の日 ないない 所為而欲待於二十年之外可乎自古兩敵之爭高者 故時未至則不動時至則動而減吴若二十年之内無 者邪然二十年之内越人日夜之所為皆報吴之具也 之至其成功也果在於二十年之外此豈非所謂待時 之内勾践欲不忍其順而一決則二人者出死力以止 其至告之謀國者固皆如此而今之所言特似之而非 也越之報吴也治蠡文種以為必在二十年之外二十年 何謂待時此今論者所常以為言也夫時有未可而待 水心集 圭

說轉而為乗機此羣臣之款大事而誤陛下以自寬也 若此者曰待時可也陛下二十餘年之間接乎光堯二 按兵甲而休之玉帛交使繇乾道元年以迄今日不 **亮氏斃殞业方請命女真亂離其時豈不至邪及陛下** 何時可待而何機可乗乎時若是之久而當待機若是 十餘年之事聞待時之論而行待時之說熟矣待時之 修德行政下者蓄力運謀皆有素治之衔先定之形然 順其勢而因勢之可為則勝違時而求以自為則敗

金好四月百十

自我發之則不可以有所垂也不為則無時矣何待不 者老而終不見邪盖待時之虚論其誤天下國家審兵 J.) 7. L. J. J. 而已也告之為國者兩相形而時出馬極遠者數年而 發則無機矣何垂陛下姑自為其時而自待之母便羣 奮起而立功名者 豈必若是之泯 泯默默使少壮至於 之遠而未可乗則昔之所謂隋唐楚漢多事之時所 臣請决今日之論時自我為之則不可以有所待也機 相倚相背徒玩歲月前者既去後者復來不過如此 水心集 毒

我定匹庫全書 近者不終日其君臣起而從時每患其迫促而不及時 南北之宋齊梁又財利之淵也北方地雖適半計其賦 日也若此者非真有可待之時也乃始為待時之說而 入十分之二三耳地大财富足以自為也然而五六十 不患其悠遠而不可待也悠遠而不可待未有甚於今 謂求今世之實謀今壤地半天下兼三國之吴蜀比 實謀

所患者財不足也而今以多為累自告之所患者兵不 年不足以自為而聽所為於敵者則有故馬盖自昔之 多也而今以多為界自昔之所患者法度疏潤也而今 萬矣古無有也不特古無有也宣和以前無有也是財 姑請言四事之最急者今天下之財其為循錢者茶鹽 折帛以千餘萬矣又别計四川之錢引以三千三百餘 權貨以二千四百萬矣經總制以千五百萬矣上供和買 以密為累自昔之所患者紀綱分雜也而今以專為累 大三日五十年 一 水心集

四北 金ラロアる言 餘萬此祖宗威時一倍之用也至於以六千餘萬供 數亦且百萬亦古所無有也雖然大則歷數十歲 於竭今天下之兵惟其在內之三衙名曰宿衛京 也而用之亦如是其多今略計户部之經費為干 其雖可議而猶不可廢也四屯駐之大軍何其多也 州之廂兵禁兵土兵又有小小控扼所屯之兵併 駐之兵此開 親而不敢 鬬 闢以來所未有也故財以多為累而 日之兵也小則草 師

於弱今內外上下一事之小一罪之微皆先有法以待 牙萬里之遠皆自上制命一郡之內兵一官也財一官 而法固已備之矣是法之密也雖然人之才不獲盡 之志不獲伸昏然免首一聽於法度而事功日順風俗 人忽發而不能制又古所未見也故兵以多為累而至 不敢誣也故法度以密為累而治道不舉自今邊微大 日壞貧民愈無告姦人愈得志此上下之所同患而臣 極一 世之人志慮之所周淚忽得一智自以為甚奇

文記日度 /· ··

水心集

制命則上誠利矣百年之憂一朝之患皆上所獨當而 之患皆上所獨當而羣臣不與也夫萬里之遠皆上所 所分畫則無所寄任天下泛泛馬而已百年之憂一 金牙四屆百書 也彼監此臨互有統屬各有司存推之一 朝思夕應薄滋味遠聲色執權明道欲有所為而終不 而莫報也故紀綱以專為患而至於國威不立陛下雖 其害如之何此敵人所以憑陵而莫樂讎恥所以最甚 里之遠順伸動息上皆知之是紀綱之事也雖然無 路猶是也故 朝

大三日年心馬 則內無堂室故處不可以守出不可以取者不可以不 莫若疎之故兵財民政分任而不一者不可以不更也 耗諸州縣之財計則不可以不更也法度以密為累則 莫若少之故四屯駐之大軍耗總領之財計廂禁上兵 紀綱以專為累則莫若分之故四邊無所付外無郛郭 帳月椿為諸縣之害則不可以不更也兵以多為累則 之故四總領為户部之害經制折帛錢為諸州之害板 可為者四事之累也然則奈何財以多為累則莫若以

水心集

ŧ

害又當條列而言之於後使知害者盡則去害者果去 金牙巴尼白電 害誠果則有可言之利矣故言其所以為利者又在 二年之間可以抗首出北而取熊之處在掌握矣然非 先盡其害则不能得其利害盡去則利見矣故四者之 更也更之則慰民心蘇民力解纏起痼與滞補弊則 财用今日天事也必盡究其本末而後可以措於政 四害之後也 財總論

以會計天下之諸侯比於堯譽以前為密矣今禹貢之 |為周治其財用視舜禹為已詳然王畿千里之外法或 雖若無益而不能知古則不能知今故也夫財之多少 欲盡完今日之本末必先考古者財用之本末盖考古 所載是也然總結米栗不及於五百里之外九州之貢 有無非古人為國之所患而今世乃以為其患最大而 不可整救此其說安從出哉蓋自舜禹始有貢賦之法 入較於今世乃充庭之儀品盖千百之一二耳周公之 水心集

憂蓋漢典文景之盛而天下之財不以入關中人主不 為功也雖然此其事遠矣鹽炭末利起自春秋魯之中 鑄金以權之當是之時不聞其以財少為患而以財多 疆 金切四四全重 世田始有税然诸侯各以其國自足而無煎焚逼迫之 不及千里之内猶不盡取盖三代之所取者正天下之 |聞其以財少自国而中年常更盜賊夷狄之難內外 税天下而諸侯若吴人者亦不租税其國光武明章 理而借民力以治公田為其無以阜通流轉則作幣

若今世也雖然此其事速矣分為三國裂為南北無歲 帝奢侈有均椎征葬之政而西園聚錢大鬻天下之官 爵以致之盖雨漢雖不足以言三代而其以財為病非 征討亦不大屈惟秦始皇豪暴有頭會箕飲之譏漢武 億猶曰有序而亦豈若今日之貧窘漏底哉此皆具載 2000 1000 冊書可即而見者雖然此其事遠矣情最富而亡唐最 貧而與唐之取民以租以庸以調過此無取也而唐之 不戰無時少安且其運祚迫處褐變繁與至於調度供 水心集

動灾四库全書 而 武功最多關地最廣用兵最久師行最勝此其事差近 決矣然則其所以有若唐者非以財少為患也故財之 多少有無非古人為國之所患所患者謀慮取捨定 口腹而已者也而財少為患之最大而不可整救其說 必治功之間耳非如今世以一財之不足而百處盡 可言矣致唐之治有唐之勝其不待財多而能之 於唐之中世盛於本朝之承平而極甚乃至於今 頭場髮以較錙錄譬若惰夫沒人劫劫徒知事其 9 也 計

朝以去其錯繆而不合於常經者則無以知財之多少 迁遠之常說以文其無用而盡力於苟且督迫鞭撻疲 日其為國之名物采章精神威望一切消耗內之所 たこうる 不可安者故臣以為不完今日財之本末循而至於本 民舞役小吏而謂之有能陛下回顧而加聖慮必有大 取悦其民外之所以示武於敵者一切無有習為寬緩 可得而預論而况望其有所設行以必成效哉 有無不足為國家之患此而不知則天下之大計皆不 /.. d... 水心集 Ŧ

金片四月全書 之變屢作排門空肆以受科飲之害而財之匱甚矣故 唐末潘鎮自擅財賦散失更五代而不能収加以非常 太祖之制諸鎮以執其財用之權為最急既而借偽次 者財在上也至於太宗真宗之初用度自給而猶不聞 宗景祐明道天災流行繼而西事暴興五六年不能定 以財為患及祥符天禧以後內之當藏稍已空盡而仁 財總論二 諸節度伸縮惟命遂强主威以去其尾大之患

とこうこ たい 臣四出候望而市肆之會關津之要做至於小商賤肆 新政重司農之任更常平之法排兼并專飲散與利之 之儲焦勞苦議乎鹽茗推貨之間而未得也是以熙寧 夫當仁宗四十二年號為本朝至平極盛之世而財 始大乏天下之論擾擾皆以財為應矣當是時也善人 不敢奮頭角以裒飲為事雖然極天下之大而無終歲 君子以為昔之已取者固不可去而今之所少者不可 取皆甘心於不能所謂精悍組僧之吏亦深自藏抑 水心集 主

地之實以佐上用自謂其蓄藏至五千萬富足以備 金灯四周全重 黼 無甚於熙寧元豐其借先王以為説而奉上下以利 大變其俗矣崇觀以來察京專國柄託以為其策出 足以廣樂百侈並勵不幸黨與異同屢復屢變而 百之獲皆有以征之盖財無乏於嘉祐治平而言 於東南取燕山則重因於北方而西師凡二十年 王安石曾布吕惠卿之所未工故變動法走商賈窮 又欲出於蔡京策畫之所不及者加以平方臘 卷四 則) 禮 加 王

陝尤病然後靖康之難作矣方大元帥建府於河北西 持巨按将五百追捉鄉户號痛無告贓貪之人又因之 統轉運所至則削攪擊朝廷科降大書文移守令丞佐 たい可見たけ 皆同常賦於是言財之急自古以來莫今為甚而財之 潜善吕頤浩葉夢得之流汲汲乎皆以權貨自管而收 張慰任饋餉之責鹽錢數十萬稱而已及來維楊而黃 以為已利而經總制之窠名既立添酒折帛月椿和雞 1經制錢之議起矣况乎大将殖私軍食自制無復有 水心集

役邊一 宗之威時所入之財比於漢唐之威時一再倍於熙寧 乏少不繼亦其今為甚也自是以後辛已之役甲申 金以口及白雪 地而財用之多未有今日之比也然其所以益因益乏 黼之免夫至六千餘萬缗其大半不可釣考然要之渡 元豐以後隨處之封樁役錢之寬剩青苗之倍息比治 平以前數倍而蔡京變鈔法以後比熙寧又再倍矣王 以至於今其所入財賦視宣和又再倍矣是自有天)有警賦欽軟增既增之後不可復減嘗試以祖

皇皇管聚不可一朝居者其故安在夫計治道之興廢 逸喜勞而至是哉故臣請論今日財之四患一曰經總 愈多而不足然則善為國者将從其少而治之且有餘 乎多而不治且不足乎而况於多者勞而少者逸宣惡 治今者財愈多而愈不治古者財愈少而有餘今者財 P. 1. 1. 1. 1. 1 患四患去則財少財少則有餘有餘則逸以之求治朝 制錢之患二日折帛之患三日和買之患四日茶鹽之 不計財用之多少此善為國者也古者財愈少而愈 水心集 Ĭ

金厅四库全書 财 令而夕改矣 以相補足清康召募勤王兵翁奇國以知江寧兼總制 都縣事須與復陳亨伯以大漕兼經制使移用諸路 謂經總制錢之患昔李憲經始熙河始有所謂經制 用者其後重貫繼之亦曰經制盖其所措畫以足 括民財以數百萬計已散者視若沙泥未用者棄之 其時所在縣窘無以救急故減役錢除頭子賣糟酵 1用而已非今之所謂經制也方雕既平東南殘破 财

造運 えいう しんし 號為士人而其言岩此盖辨目前者不暇及遠亦無怪 若頭子之類特取於州縣之餘而可供猝迫之用夢 重未有能强之而使販賣酒雖貴未有能强之而使 **顧無策於是議亨伯所収經制錢者其説以為征商雖** 為轉運使不計前後動添窠名黃子游柳約之徒或以 也然其所取止於一二百萬而已其後內為户部 溝壑維揚駐警國用益因召顾浩樂夢得實總財事 船或以供軍與遞添酒稅隨刻頭子趙鼎張沒 水心集 盂

我定匹庫全書 繼督師悉用取給而孟庾以執政之重當總制之名者户 屬官俸於催發酒有柳運副王祠部都督府二分本 僧道有免丁截撥有糜費故酒之為勝也幾至於二百 役有一 十計州之越辨本不過數條於割暴布皆以分隸 壯丁錢始行起發役法縣此大壞二制並出色額以 折官本茶有秤頭部息油單屬面商稅有增添七分 則通判掌之一 分寬剩得產有勘合典買有牙契至於後 一路則提點刑獄督之胥吏疲於磨等 柄

大日日日上日 常之用十八 五十年於此向之學士大夫猶有知其不善嘆息而不 頭子 知 者至於千七百萬凡今截取以昇總領所之外户 是州縣之所以誅求者江湖為月椿雨所福建為印 所謂老骨猾吏從旁而唯之上之 拯今之新進後出者有智者於有力者奮視兩稅為 帳 其名九繁其籍尤雜上下焦然役役以度日月者 人去貫也至於五十六而其所収之多也以貫 出於經總制錢士方其入仕執筆茫然莫 水心集 取財其多名若是 Ī

盖王安石之法桑孔羊劉晏之所不道也蔡京之法又 賺商旅以盗贼之道利其財可謂甚矣然未有収拾零 始正言財利其時青尚免役之所入公上無所用坊場 後有吳居厚可謂刻灣矣蔡京繼之行鈔法改錢幣誘 何物而况遠及先王貢賦之法乎臣嘗計之自王安石 河度免引茶場水磨之額止以給吏禄而已前有薛向 解落貫陌飲人以不貲之酒其惠如經總制之甚者 不道而總制之為錢也雖吴居厚蔡京亦羞

金りでた

號為名相如趙張者皆安馬又以遺後人如秦檜 於恵天下以圖與復以報仇怨拔才養民以振國用在 為之矣至其急迫皇駭無所措其手足則雖紹與以來 何謂人才日衰本朝人才所以衰弱不逮古人者直以 J. 10 ... 1. 1. 1. ... 命者是何其無恥之至是也哉故經總制錢不除一則 人才日衰二則生民日困三則國用日乏陛下誠有意 出令而已 世而出其上及其取於棄餘項屑之間以為 水心集 Į 國

一銀定四庫全書 當其風俗之成名節之属猶知利之不當言財之不當 於前而操切無義之術用矣曰彼學也此政也學與政 取盖處而學與出而仕者雖不能合而猶未甚離也今 文法繁密每事必守程度按故例一出意则為妄作矣 判然為二縣則以板帳月椿無失乎郡之經常為無罪 特美觀耳特科舉之餘習耳一日為吏簿書期會迫之 則以經總制無失乎户部之經費為有能而已矣夫 不然其平居道前古語仁義性與天道者特雅好耳 **19** 1

時直復可得是則人才日衰者經總制錢使之也 置守令監司以寄之人民社稷其所任必有大乎此者 帳多至萬餘稱少者猶不下數千獨昔之所謂窠名者 而今也推是術以往風流日散名節日壞求還祖宗感 大王日日 Latin 事驗之知州去民尚遠而知縣去民最近者也月椿板 民固未嘗明加之賦飲也贏縮多少惟人而已臣請以 所以取州縣之弃餘而板帳月椿各自以力越辨其於 何謂生民日因俗吏小人之說必曰經總制錢者朝廷 水心集 ŧ

產衣食僅足昔可以耕織自营者今皆轉徙為盗賊凍 强加之名而已今已失之所以通融収簇者用十數 金河口居有書 能進馬所以裕國也而何乏之敢言陛下知夫博者乎 兼并與縣官抗衡及衣兇勢力之家在耳若夫齊民中 所在皆不復可舉手今之所謂富人者皆以其智足以 牙吏百計罔民日月消削盖昔之號為壯縣富州者今 何謂國用日之今歲得稱錢千五百萬昔三代漢唐不 餒矣若經總制錢不除州縣破壞生民之困未有已也

者也為國有大計自始至未必有品節條章豈有左右 Prid Die Kirking 取者罷之然後令州縣無敢為板帳月椿以国民點其 而刻削其頭子賣酒取數倍之息若此者猶可以為國 望而羅其細碎不収之物且均之為朝廷出納也又從 今欲變而通之莫若先削今額之半正其窠名之不當 不除則取之雖多飲之雖急而國用之之終不可救 其聚為孤注與不博而丐其贏之一二者皆其本先竭 被國不貧宜不至此既至此矣何以能富故經總制 水心集 美

舊吏刻削之不可任使者而拔用惻怛愛民之人使稍 金好四個有意 霓滅之若此則人才不衰生民不因矣夫財用之所以 至此兵多使之也財與兵相為變通則兵數少而兵政 未得其所以去之之道耳一舉而天下定王業之所由 舉若此則國用不乏矣陛下豈有爱於多財多兵哉直 牧養之政其次罷和買其次罷折帛最後議茶鹽而 謂和買之患經總制錢之為患也自州縣而後至於

九三日日 八十丁 前和買之患尚少民有以乏錢而須賣官有以先期而 此者上下皆知其不義獨因於無策而莫之敢蠲耳陛 民自家力錢之外浮財營運生生之具悉從折計且若 民民猶怨州縣而後及於朝廷和買則正取之民而已 便民今也舉昔日和買之數委之於民使與夏稅並輸 而復有所求哉經用不足則大正其名實可也承平以 國以二税為常賦也豈惟使經用有不足於二稅之內 下斷然出命以號天下曰自今並罷和買取和買之為 水心集

廷义方乏用於是計臣始創為折帛其說曰寬民而利 民之名正義聲暢於四海矣 金与四月全書 有夏税折帛又有和買折帛且本以有所不足於夏稅 公其後稍價即平而民之所納折帛錢三倍於本色既 1於折帛折帛之始以兵與絹價太踊至十餘千而朝 供者所用紬絹惟軍衣未可裁損其他官禁官吏時 謂析帛之患支移折變昔者之弊事固多矣而今莫 支賜格令之所應與者一切不治可也和買既罷取

大正日日 たまち 已在於建炎紹興之先今用度既繁經制未能一 此方召不能為將良平不能為謀者也 總制不減和買折帛不罷舍目睫之近而游視於八荒 者廣矣陛下必鈞考其凡目而後可以有所是正若經 大於天下者乎雖然折帛之為錢多矣所資此以待用 乎其事無名其取無義平居自治其國且不可而况有 而和買以足之今乃使二者均折於事何名而取何義 何謂茶鹽之患推之太甚利之太深刑之太重此其事 水心集 手

古減經總制罷和買折吊而捨茶鹽則無以立國故最 金灯四月全書 者以為三代之時其君各有所尚夏之忠商之質周之 欲治天下而不見其勢天下不可治矣昔之論治天下 為政於天下使措諸事有緒二三年之後臣請言之 文數百年而不變其後周之失弱秦之失强故忠質文 在後雖然推之不寬取利不輕制刑不省亦終不可以 相代若循環而無窮而或者又曰弱之失在於恵也則 治勢

器也而倭之巧不與馬故三代非忠質文之尚而周秦 莫若濟之以威强之失在於威也則莫若反之以恵恵 文已日后 A. 為天下之勢雖其功德有厚薄治效有淺深而要以為 湯文武漢之高祖光武唐之太宗此其人皆能以一身 無强弱之失治天下者姑舍是乎古之人君若堯舜禹 玩而無所懼盖其意以為治天下之勢無出於此矣夫 止於賞威止於刑故賞不至於濫而無所勸刑不至於 張者弓也而界之能不與馬虚而歌滿而覆者 水心集

金万四屋白書 立天地之道而列仁義禮樂刑罰慶賞以紀綱天下之 其所為而莫或制其後導水土通山澤作舟車則兵刃 於運化之外此皆上世之所未有而聖人自為之者也 民至於賓錢日月秩序寒暑而禽獸草木之類不能逃 湯然而莫能過反舉人君威福之柄以佐其鋒至其去 及其後世天下之勢在物而不在已故其勢之至也湯 下之勢在已不在物夫在已不在物則天下之事惟 不能止而國家隨之以亡夫不能以一身為天下之

生游談聚論沉湎淫佚而已而天地為之分裂者數 夫之奮呼士卒之擅命而天下之勢無不在馬若夫五 大型日年 1. 未見其可也盖天下之勢有在於外戚者矣呂霍上官 胡之亂西晉之傾覆此其惠特起於公卿子弟里卷書 之曹氏魏之司馬氏至於江南之齊梁皆親見其篡奪 福習以其天下與人而不惟而其甚也官官之做匹 不可以監也而王氏卒以亡漢有在於權臣者矣漢 而用區區之刑賞以就天下之勢而求安其身者 水心集 圭

者二百餘年英武之君忠智之臣圖回収拾不能什 天下為一身致太平為子孫萬世之計向之衰敗圯 世鳴呼勢在天下而人君以其身求容馬猶豫反側 不能以自定其或在於宦官或在於士卒而舉威福之 (位北威契丹南服李璟法度修舉文武並用太祖皇 列校之早易置人主如反掌之易而周世宗一 以盡寄之者此甚可嘆也臣當惟唐末五代之衰皆 践祚十年之間不耀兵甲俘取借 偽之君治拾遺 日 缺 醢 而 而 大正の町 なか 重雲之上魚深游於潛淵之下而皆不免有鼎俎之憂 生殺豈以吾能為之而足以制天下者雖然鳥高飛 以其身為天下之勢則天下之勢亦環向而從已其必 而属王幼主俯首服從相顧憤發以至流涕痛哭莫敢 也而何以相治智者豈不能自謀勇者豈不能自衛 何者一 而無疑者矣且均是人也而何以相使均是好惡利 刑而天下何必畏一人賞而天下何必慕而刑賞 朝翕然皆在把握之內何其速也此無他能 水心集 蓋

亂張則盛弛則衰續則存絕則亡臣當放之載籍自有 天地以來其合離張弛絕續之變凡幾見矣知其勢而 以勢之所在也故夫勢者天下之至神也合則治離 盘好也难分言 以一身為之此治天下之大原也 天下之人所以奔走後先維附聯絡而不敢自棄者 財與聚飲具今之言理財者聚飲而已兵非獨今之 理財者也自周衰而其義失以為取諸民而供上 財計上 则 誠

故當之而不辭執之而弗置而其上亦以君子為不能 意而有聚飲之資雖非有益於已而務以多取為悦是 為理之者必取之也是故避之而弗為小人無仁義之 故謂之理財而其善者則取之巧而民不知上有餘 大是日后 上 義而莫之邱以為是固當然而不疑也嗚呼使君子 人執理財之權夫君子不知其義而徒有仁義之意以 也故舉天下之大計屬之小人雖明知其負天下之不 不因斯具為理財而已矣故君子避理財之名而小 水心集 而

或不求則伏而不見或無節則散而莫収或消削而浸 则 做或少竭而不繼或其源雖在而沒導之無法則其流 若是者其上之用度固己沛然滿足而不匱矣後世之 壅遏而不行是故以天下之财與天下共理之者大禹 財之名小人執理財之權而上之任用亦出於小 不可以無衣食之具或此有而彼亡或此多而彼寡 無愧民之受病國之受務何時而已夫聚天下之 公是也古之人未有不善理財而為聖君賢臣者也

論則以小人善理財而聖賢不為利也聖賢誠不為 也上下不給而聖賢不知所以通之徒曰我不為也此 其所以使小人為之而無疑數當熙寧之大臣慕周公 其什二之息曰此周公泉府之法也天下之為君子者 欠かりられたい 又從而爭之曰此非周公之法也周公不為利也其人 而後世不足以知之以此追笑其辯者然而其法行而 又從而解之曰此真周公之法也聖人之意六經之書 理財為市易之司以奪商賈之贏分天下以債而取 水心集

金切四周全書 財者必小人而後可矣夫泉府之法欽市之不售貨之 天下終以大弊故今之君子真以為聖賢不理財言理 滞於民用者以其質買之其餘者祭祀丧紀皆有數而 於上均之田而使之耕築之室而使之居衣食之具 國服為之息若此者真周公之所為也何者當是時 若是者周公不予則誰子之将無以充其用而遂 下號為齊民未有特富者也開闔飲散輕重之權 不畢舉然而祭祀丧紀猶有所未足而取於常數之

之也則民一切仰上而其費無名故縣而貸之使以 欠の日う こと 數價而以其所服者為息且其市之不售貨之滞於民 夫學周公之法於數千載之後世異時殊不可行而行 久矣開闔飲散輕重之權不一出於上而富人大質分 用者民不足於此而上不飲之則為不仁然則二者之 而欲為國利可乎嗚呼居今之世周公固不行是法矣 而有之不知其幾千百年也而遠奪之可也嫉其自利 周公誰為之盖三代固行之矣今天下之民不齊 水心集 丟

固 之者固不足以 漢之後創取於民後世日以增益今其棄而不求者幾 矣黄帝堯舜以來財之在天下令其不知取者幾也秦 爭之然則仁者固如是耶今天下之財亦可得而略 金灯四母全書 以為當然而無怪也徒使其後顰蹙而議之厲色而 不以自利雖百取而不害而况盡與之乎然則奈 不出於理財者是足為深知周公乎且使周公為之 避 理財之名尚欲以不言利為義坐視小人為之 理財也謂周公不為是法而以聖賢之 何

欠已日巨八百 其子之財數然則今之開闔欽散輕重之權 猶 取其子而不計其後将以富其父數抑愛其子者必使 財者自理之數為天下理之數父有十子闔其大門 國之用非民之不以與其上也而不足者何說今之 有民而後有君有君而後有國有君有國而後有 也天下之遺利天下之所不知不得而用之者幾也 '與其父歟抑孝其親固将盡因其子歟抑其父固 有上之所未飲者乎抑己盡飲而不可復加嫩然則 水心集 圭 有餘 理 日

以名以權中國不治外裔義也中國為中國外裔為 金灯四四百月 裔名也二者為我用故其來寇也斯與之戰其來服 臣為外論四篇其三篇言今事者其首篇曰為國以義 者何以為君子哉 於使小人君子以為不當理財而聽其絕而不繼若是 之數可以 財計下缺 論 辭而決矣奈何以聚飲為理財而其上至

當有上策至唐太宗能擒頡利郡縣諸戎始以嚴尤為 守不得其權則不可以應三者并亡譬猶舍舟楫而濟 何策之可論又况從而區别之與秦漢並稱乎若太宗 且及之矣後世之事是也自嚴尤論禦邊以為前世未 蕃衞然而不得其義則不可以治不得其名則不可以 Para Cities ! 非若太宗者所謂上策歟噫亦陋矣以先王之待外裔 斯與之接視其所以來而治之者權也古者要荒均為 淵以勇怯為沉浮幸而得濟不可為常不幸溺沒死 水心集 辵

義與權皆得也嗟夫中國之所以為中國以其有是三 外裔也盖與中國錯居又非若後世有獨犹獯鬻乃在 金万四周全種 者而已尚捨其所以必勝之具而獨以許力為用是既 至狹又無利兵危矢詐謀奇計而外裔不能侵暴者名 長城之外相去且數千里而以為難治也堯舜之土地 土凡海濱廣斥山谷深衰之地教治所不及者大抵皆 者又真以為有策則是不能知先王所以待外裔之意 而何自謂上策乎堯舜之時南自淮徐東被青州之境

三百年之間秦人最為雄小國次第亡滅廣大其地而 以地勢相别異耳力强則暴師轉鉤深入屠戮如勢取 據秦之故地此其為仁義道德足以懷柔其民者何在 秦人之暴甚於外裔矣漢起匹夫親搏天下不數年而 為六國秦又滅六國合天下而盡有之又欲兼取匈奴 已化為外裔矣其至於紛紛何足怪乎盖自戰國並起 晉陽乎盖三者自是并亡不復有中國外裔之分矣特 奈何冒頓反不能控弦數十萬以憑陵邊塞入至太原 沙色四年在馬 水心集 萐

哉獨一贾誼知之以為匈奴召令主上之操天子共貢 禽獸力弱則俯首屈意出金銀繒帛愛女以壻之亦獨 金万巴尼人 故奮挺大呼望屋以食之人也是亦安能知先王之意 何所愛張良陳平盖策士而絳灌之為丞相主國論者 臣下之體雖然誼於制患之析沒矣請自為典屬國用 狄甞苦中國無信義甘言厚利以相啗説首開兵端志 奴不當漢一大縣此何足治而况本不計强弱者乎夷 三表五餌而繫之若是者先王侍外裔之意乎真使句

盖書籍之章句耳嗟乎有名義而不能執有權而不能 為與之為一而天下之人熟於聞見不知其為中國外 **見日日 たたり** 裔之異者此祖宗之事臣不敢深論也臣之所論者 用或伐或和視其勢之强弱而不能定此漢唐之事不 世無堯舜湯武待外裔之意終不可見無稷契伊尹終 在誅剪然則中國之不振其失道久矣豈一日之故 足論也是既然矣執之於無所執用之於無所用以和 不能秉法陳義以佐其君其所誦習以為笑於天下者 水心集

我制女真使不得逞彼知大國為之助其勢何遽至此 寧諡可常分無事不幸天祚失道金人驟起破取其國 事自景德元年與契丹盟更六聖百二十年聘使往來 金月四月全書 天子親與之揖遜於庭未嘗一日敗盟約也方謂邊庭 也苴與約並滅其國分取幽燕故地以為功者比乎失 則望白溝以南自歸當是時中國以大義之故遣十萬 天祚以為與大國義兼兄弟當來投我或逐不復其國 不念遂有今日然則外裔雖遠而常以信義望中國

故深思今日致患之本復修先王三者之道則中國之 久三日下 to to 三 論是也 於末而不能反哉故夫若不足聽而決不可易者臣之 待外裔固無難矣何必勞神於智計勵勝於士卒益趨 中國者本不以外裔之無而廢也夫兼考前世成敗之 中國以外裔為不義是以不用而不知信義乃所以為 秦漢以來待匈奴者不和親則征伐何也其術盡於此 外論二 水心集 里

先王之道不行久矣而今日之請和尤為無名夫金人 金切口屋有意 以撫之夫子弟不能報父兄之恥反懼仇人懷不釋憾 矣和親主辱名平而民得安征伐有功則主榮名尊而 民傷無功則主與民俱傷而有功常少無功常多是以 乃吾仇也非復可以尋常視而執事過計借和親之名 不與之為怨是故無以早吾名而亦無以丧吾實雖然 有和親之利先王未嘗征伐外裔雖不與之為和而亦 後世之論是和親者十九夫必知有征伐之害而後 知

Str. On Soil Lister 在庭其起無時室中之人不得安也使無弓矢陷穽或 以為盟誓必不可保然自是疆国無事又十餘年虎即 四要郡以與而復為和俄而敵又大出天下之心凛然 有功宰相仍用前策建請罷督師撒攻具出東西北道 兵以應之天下又自言復讎為事暴師淮水之上久未 之列沟沟敷成而後定一旦金人敗約始舉不得已之 不厭至於廢逐大臣誅殺名将盡點與已者空士大夫 之疑遂欲與之結惟以自安可乎往者紹與行之天下 水心集

義之不可也直媒之以自進也非可用以當敵也故真 害也其意以為一絕使罷賂則必至於戰而吾未有以 知其義之不可者皆內愧切嘆而不敢言也真知者不 待之故也乃其以為不可而敢自言於上者非真知其 金万四月全書 所操之具而聽敵之自為是獨何時而可也今天下非 若有弓矢陷穽可也乃畏虎而不敢用何哉嗚呼失吾 不免徒手而搏之以必死為史猶愈於坐而待其死也 知請和之非義矣然而不敢自言於上者畏用兵之 卷四

戰和固不可且其點起暴强而據吾太平之土壤已五 宗之世也內治已定則所謂求和親之利者為保全宋 **設定四車全書** 六十年矣如使復為天祚威極将亡他人出而有之 民計耳是不憚自屈而力行之可也今日存亡之憂不 亦不可也盖非惟其義之不可而勢則然矣昔祖宗之 得尚用往事為比使敵復如辛已甲申忽擁大衆以求 日之議臣不敢獨以告於上庶幾執事者皆知之告祖 敢言敢言者不足信然則今之所以待敵益疎略矣令 水心集 里

其尤近者或在朝夕耳然而執事者畏一戰之故不敢 無十年之遠有朝夕之近是固不可免之急患也相顧 以告其上因不復為之處幸其事之不在已引而去之 出於數十歲之外者偷目前之所未及見馬可也今也 夫憂在子孫者偷吾身之不及見馬可也憂在吾身而 而早暮遲速又非大相遼也遠者五六年近者三四年 不用今日之兵其決不可不用矣其用有早暮遅速耳 世也唯其有以容養契丹使不敢無傲則兵可以至於 次足の巨人 者所當思也夫勝敵固有道用兵固有法所當施行者 固有次第矣執事者猶未敢聞其始而臣安敢詳其終 遽戰者盖求戰在敵使之不得戰在我若此之術執事 畏也猶未足畏也然雖絕使罷賂而臣以為猶未至於 然火之中不知奮迅於烈焰以自求免而坐待其灼爛 未及然因謂之安以前絳灌之徒令積薪盡為火矣寢 者是固不必誼之智而後消之也以臣計之一戰之可 而終未敢言者何也賈誼以為抱火曆之積薪之下 里

義而明和親之決不可為自此以往庶有可得而論者 且今之能言者聚矣不度本未不量淺深而歷數天 金月四月百十十 水心集卷四 一計以自街衛此其可用者安在夫惟以復仇為正 四 缺 缺